



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

III. Matrimonium Sacramentum esse, probatur ex Patribus.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

inter coniuges oriuntur. T E R T I V M , immunditia quædam & turpitudo ex rebellione membrorum Q V A R T V M , intemperantia. His Paulus opponit fidem, dilectionem, sanctificationem, & sobrietatem ; in quibus permanendum esse dicit, tanquam videlicet in ipsa Matrimonij celebratione acceptis.

Atque hinc 1. Corinth. 7. vocat donum Dei Matrimonium Apostolus, ut ipsam virginitatem : *Vnusq[ue]*, inquit, *donum suum habet ex Deo, unus quidem sic, aliis autem sic.* Eti. Thess. 4. hortatur coniuges ut abstineant se à fornicatione, & vas suum possideant in sanctificatione; quam nimirum per Matrimonium antè acceperunt.

C A P V T T E R T I V M .

Matrimonium Sacramentum esse, probatur ex Patribus.

ACCEDANT nunc veterum Patrum testimonia, quæ mendacijs manifesti arguant aduersarios. Caluinus enim lib. 4. Institut. c. 19. §. 34. scribit, neminem ante Gregorium vidisse Matrimonium pro Sacramento datum. Beza in annotat. ad cap. 5 ad Ephes. dicit nusquam Matrimonium appellari Sacramentum à Hieronymo, aut Augustino. Kemnitius in 2. part. Exam. pag. 1225. affirmit ante Augustini æratem, ostendi non posse, Matrimonio attributam vel ipsam generalem Sacramenti appellationem. SED hæc vel impudentissima mendacia sunt, vel insignis imperitiæ confessio est.

Sanctus L e o I. S. Gregorium annis centum, & quinquaginta præcessit, & tamen in epist. 92. ad Rusticum Narbonensem Episcopum, cap. 4. vocat Matrimonium Sacramentum, & mysterium: *Vnde*, inquit, *cum societas nuptiarum ita ab initio constituta sit, ut præter sexuum coniunctionem, haberet in se Christi & Ecclesiæ Sacramentum, dubium non est, eam mulierem non pertinere ad Matrimonium, in qua doceatur nuptiale mysterium.*

Sanctus Ioannes C H R Y S O S T O M V S , qui Augustinum etate præcessit, homil. 20. in epist. ad Ephes. ut supra citauimus, Mysterium magnum esse affirmat, in coniugio insolubili viri, & feminæ. Neque oportet à Chrysostomo vocabulum

lum Sacramenti exigere, cùm Sacramenti vox Latina sit
ille Græcè scripsérit.

A M B R O S I V S, qui & Augustino, & Hieronymo antiquo-
est, præter locum supra notatum ex comment. in cap. 5. at Ephes. lib. 1. de Abraham, cap. 7. loquens de eo, qui alterius nu-
ptiam ducere cupit in vxorem: *Qui sic egerit, inquit, peccat in
Deum, cuius legem violat, gratiam soluit: et id quia
Deum peccat, Sacramenti cœlestis amittit confortium, voi-*
docet, non posse Sacramentum cœleste inueniri, vbi contra
Dei legem coniugium celebratur.

SIR I C I V S Papa Ambrosij æqualis in epist. 1. cap. 4. non ap-
pellat quidem Matrimonium Sacramentum; sed quod est
maioris momenti, scribit sacrilegium committi, cùm alter
coniugum, viuente coniuge, ad aliud coniugium transit. At
si Matrimonium contractus tantum civilis esset, non etiam
Sacramentum religionis, quo pacto, quæsto, sacrilegium a
eius violatione commiteretur?

Sic etiam Innocentius I. in epist. 9. quæ est ad Probum Ma-
trimonium diuina gratia fundari afferit, dum celebratur.
Cyrillus lib. 2. in Ioann. cap. 22. dicit, Christum sanctificare
coniugium, & gratiam nuptiis preparasse, ut aditus hominum
in hanc vitam benediceretur.

Sed veniamus ad A V G U S T I N U M, ac ostendamus ab An-
gustino, & nomen Sacramenti Matrimonio attributum, con-
tra mendacium Caluini, & Bezae; & Sacramenti rationem,
contra Kemnitij temeritatem.

Nomen igitur Sacramenti tribuit Augustinus Matrimo-
nio, in his omnibus locis. In lib. 9. de Genes. ad literam, cap.
7. lib. de fide, & operibus, cap. 7. lib. de bono coniugali, cap. 7.
8. 15. 17. 18. 24. & 25. lib. de sancta Virginitate, cap. 12. lib. 5. con-
tra Julianum, cap. 9. lib. 2. de peccato originali, cap. 34. lib. 1. de
nuptiis, & concupiscentia, cap. 10. 17. & 21.

Quod autem ratio etiam Sacramenti tribuatur Matri-
monio in his locis, probatur his argumentis. P R I M O, quia
absolutè, & ordinariè Augustinus hac voce in disputatione
de Matrimonio vtitur; nam quæ sunt Sacraenta im-
propriæ, & largo quodam modo, non solent nisi ratiō, & cum
addito Sacraenta nominari. Exemplum esse potest in co-
pane sanctificato, qui dabatur Catechumenis loco Eucha-

tistix; nam eum panem vocat Augustinus Sacramentum lib. 1. de peccatorum merit. & remiss. cap. 26. Sed id semel tantum fecit, & in eodem loco admonuit, eum panem non esse corpus Christi, & Catechumenis non sufficere ad salutem

S E C V N D O, quia in plerisque horum locorum, **A U G U S T I N U S** dicit Matrimonium non esse Sacramentum, nisi in Ecclesia; & per hoc distingui Matrimonium Christianorum à Matrimonio Gentilium. Libro de bono coniugali, cap. 18. *In nostrarum quippe nuptiis, plus valet sanctitas Sacramenti, quam fæcunditas vteri.* Et cap. 24. Bonum, inquit, nuptiarum, per omnes Gentes, atque omnes homines in causa generandi est, et in fide castitatis: quod autem ad populum Dei pertinet, etiam in sanctitate Sacramenti. Et lib. de fide, & operibus, cap. 7. In ciuitate, inquit, Domini, in monte sancto eius, hoc est, in Ecclesia, nuptiarum non solum vinculum, sed etiam Sacramentum commendatur. At Matrimonia Gentilium sunt vera, legitima, & largo modo Sacra menta. Nam & Innocentius cap. Gaudemus, de diuort. vocat Sacramentum, Matrimonium infidelium, & ipse etiam Kemnitius pag. 1217 in fine approbat sententiam Brentij, qui Matrimonium largo modo Sacramentum appellari posse existimat, quia est sanctum vitæ genus à Deo institutum, & commendatum. Ergo Augustinus, cùm distinguit Matrimonia fidelium à Matrimonio infidelium, quod illa Sacra menta sint, hæc non sint; de Sacramento propriè dicto agit, non de Sacramento largo modo sumpto.

Atque hinc etiam colliges, quā procul absit ab Augustini sententia Ioannes Caluinus, qui Matrimonium cum agricultura, & futoria arte, atque ratione comparavit, quia nihil sit aliud, nisi genus vitæ bonum, & à Deo institutum. Hac enim ratione nihil interesset inter Matrimonia fidelium, & infidelium.

T E R T I O probatur, quia Augustinus non obiter dicit, Matrimonium Sacramentum esse: sed id assumit tanquam certum, ad probandum dogma Ecclesiasticum, quod vide licet Matrimonij vinculum sit prorsus insolubile, ut patet extoto libro de bono coniugali. At certè hoc argumentum Augustini nihil valeret, si loqueretur de Sacramento lar-

go modo accepto : de quo argumento in sequenti capite plura dicemus.

QUARTO probatur, quia sanctus Augustinus eodem modo loquitur de Matrimonio, & de Baptismo, cum de Sacramenti ratione disputat. Nam libr. I. de nuptiis, & concupiscentia, cap. 10. cum dixisset, Sacramentum Matrimonij manere etiam in eis, qui re ipsa a se mutuo separantur, & alii coniugia ineunt. (Adhuc enim primum vinculum vigeret, & ideo uterque moechatur; quia non est illius coniunx, cui adhaeret, sed illius, quem deserit) subiungit, idem accidere in Sacramento Baptismi, quod nunquam amitti potest, etiam si quis amissa fide a Christo deficiat. Hæc certè comparatio manifestè declarat, Matrimonium Augustino verissimum Sacramentum fuisse.

SED obiicit Kemnitius pag. 1225. unum locum Augustini, ex lib. de bono coniugali, cap. 18. ubi Augustinus scribit, nuptias Patriarcharum cum multis foeminis, Sacramentum fuisse coniunctionis Christi cum multitudine nationum totius mundi, quæ conuertuntur ad fidem: nuptias autem Christianorum cum una tantum vxore, Sacramentum esse unitatis Ecclesiæ Christo subiectæ. Ex quo loco colligi videatur. Matrimonium apud Augustinum non fuisse Sacramentum, nisi largo modo, prout videlicet aliquid mystice significat in Christo, & in Ecclesia.

RE S P O N D E O , non accipit Augustinus nomen Sacramenti eodem modo ubique: id quod vel ex ipso Kemnitio probare possumus. Nam pagina superiori, quæ est 1114 docet Kemnitius, nuptias Christianorum apud Augustinum esse Sacramentum, quia significant coniunctionem Christi cum Ecclesia, & quia Sacramentum sunt, non pativillo modo polygamiam plurium uxorum simul. Ergo cum Augustinus dicit, polygamiam Patriarcharum fuisse Sacramentum, non accipit Sacramentum eodem modo, quo accipiebat, cum idem nomen tribueret nuptiis Christianorum, quæ polygamiam non admittunt ex eo, quod Sacramentum sunt.

ADDE, quod polygamiam Patriarcharum, Sacramentum Christi & Ecclesiæ fuisse, non nisi impropriè, & materialiter dici potest: non enim multæ nationes ad Christum conuerse, sunt multæ Ecclesiæ, aut multæ sponsæ, nisi materialiter,

liter, & impropriè; formaliter enim ac propriè, vna tantùm est Ecclesia, vna sponsa, vnum corpus. Quare Augustinus largo modo Sacramentum accepit, cùm illud scripsit de Patrium veterum polygamia: longè autem aliter eum accepisse, cùm de Matrimonio Christianorum ageret, ex argumētis supra allatis facile perspici potest.

CAPVT QVARTVM.

Probatur ratione, Matrimonium esse Sacramen-tum propriè dictum.

VENIO nunc ad rationes. PRIMA ratio dicitur ab insolubilitate Matrimonij, & Monogamia, quæ est ratio, qua passim vtitur S. Augustinus. Matrimonium Christianorum est vnius tantùm cum vna, & omnino insolubile, igitur est Sacramentum conferens gratiam, ac propriè dictum. Antecedens patet ex illo Marci 10. *Qui dimiserit uxorem suam, et aliam du-xerit, adulterium committit super eam.* & præterea ex aliis multis testimoniis, quæ infra suo loco adferentur. Consequentia probatur; nam ex eo, quod est vnum, & insolubile, colliguntur duo. PRIMO esse signum sacrum. SECUNDO conferre gratiam: quæ duo Sacramentum propriè dictum efficiunt.

PRIMVM apertè colligitur. Nam illa omnimoda insolubilitas in vnis nuptiis, non potest referri in caussam primariam, & certissimam, nisi in signum coniunctionis Christi cum Ecclesia, in quam caussam perpetuò Augustinus eam insolubilitatem refert, in libro de bono coniugali. Nam si consideres Matrimonium, ut officium naturæ ad propagandam sōbolem, ægrè potest reddi ratio, cur ob sterilitatem coniugis non liceat eam dimittere, aut aliam ducere. Si consideres, ut est in remedium contra fornicationem institutum, cur non poterit vxor perpetuo morbo laborans, dimitti? aut cur non poterit alia duci? Quare habet quidem Matrimonium ex iure naturæ quandam insolubilitatem, ut S. Thomas docet, in 4. dist. 33. quæst. 2. artic. 1. non tamen tantam, quin aliquando ratio dicetur, expedire ut soluatur accedente prælertim di-

FF

spensa-